

壹、詩

【過田尾花園公路】

田尾幽郊綻紫晶，繁華空舞過花城，寥途所幸存知己，碧削雲山金界明。

【班聚有感--於藍洞義式餐廳】

妙味甜氛鳳木紅，花庭煦午沁橙風，暉窗灑碧人親近，挽記繁華月色融。

【週五夜在闊葉林書店】

偶入書鄉一屋馨，詩音心籟未曾停，流光寂寂奇文在，猶賴茶煙數點星。

【摘星逐夢】兩首

(一)

夢想騰飛未肯降，建民磨技志無雙，千般淬鍊恩師助，球路摘星揚異邦。

註：描寫旅美投手王建民。

(二)

口含畫筆志無雙，彩灑星空激萬江，繼晷焚膏摹夢想，瑰圖感淚苦心龐。

註：描寫口足畫家謝坤山。

【水族箱】

貝石珊瑚漾翠絲，水晶箱內顯珍奇，爛魚鬧遍清波綠，美飾添情樂四時。

【難為師表】

感導頑孩巧啟蒙，挽瀾解惑佈春風，雙親寵護師心痛，教改偏歧費苦衷。

【放風箏】

風箏開放舞天衢，碧境遨遊稚子愉，雲彩瑰形爭競豔，群歡共構忘憂圖。

【清花桂】

精油萃取藥材供，甜品添香妙味濃，肉桂珍功通血脈，祛寒益氣病無蹤。

貳、詞

浪淘沙 【憶年少看海】

郊碧海天長，潮雪翻颺，飛廉飲醉舞癡狂。欲踏波瀾千景看，年少徜徉。
今已獨彷徨，歸鳥倉皇，謫仙難共笑酣觴。痛飲無詩暉夕杳，夜色茫茫。

鷓鴣天 【遊山寺喜見白蝶】

峰翠薰身倦客迷，柳煙玉寺入琉璃。笑拈清雅花紛放，驚見繁華蝶自飛。
傷往事，看天涯，人生歡怨算空知。翩翩舞雪鶯吟繞，金瀑荷風霞靄低。

蝶戀花 【夜晚科博館綠地獨酌】

月灑碧茵花曼舞，夜醉清風，科館依如故。對影揮觴花漫語，鬧星若沸微吟度。
爛蝶昔飛猶栩栩，妙籟幽霄，今忘來時路。未忍閒愁杯不誤，昏黃涼晚愁人處。

采桑子 【中市綠園道聽新式爵士樂】

西風美籟街頭沸，玉手揉箏，郁語春鶯，寒午甜氛金石聲。
管弦幽咽珠盤亂，楓舞園庭，醇釀琴清，緩緩潺泉又雨零。

采桑子 【速寫台灣搖滾樂】

先驅薛岳誰堪繼，生命吟嘯，雷舞鋒刀，熾熱青春激浪潮。
東坡壯闊猶新唱，壘塊昂澆，雪暴弦飆，縱有風霜正氣敲。

參、詩鐘

【紙鳶】（一唱）

紙繪幽峰清碧境
鳶翔浩海蔚藍天

【師表】（二唱）

（一）

麾師奮志平戎禍
泣表陳情感祖恩

（二）

感師獻已慈航願
彰表揚人般若心

【桂皮】（三唱）

冬著皮裘吟寂月
秋嚙桂酒醉清風

【蹤影】（四唱）

谷鳥晴蹤千澗唱
江鵬雨影萬霄飛

【水箱】（五唱）

嶺峻詩奇箱篋重

海寬志逸水舟輕

【玄素】（六唱）
經師博達談玄理
隱士清虛養素心

【沙漠】（六唱）
霸主稱雄黃漠戰
孺兒隨意白沙嬉

